



**O‘ZBEKISTON RESPUBLIKASI MAKTABGACHA VA MAKTAB
TA’LIMI VAZIRLIGI**

**O‘ZBEKISTON RESPUBLIKASI YOSHLAR SIYOSATI VA SPORT
VAZIRLIGI HUZURIDAGI YOSHLAR ISHLARI AGENTLIGI
O‘ZBEKISTON YOSHLAR ITTIFOQI MARKAZIY KENGASHINING
QARORI**

**Umumiy o‘rta ta’lim muassasalarida yoshlar bilan ishlash samaradorligini
oshirish chora-tadbirlari to‘g‘risida**

O‘zbekiston Respublikasi Prezidentining 2022-yil 19-yanvardagi “Mahallalarda yoshlar bilan ishlash tizimini tubdan takomillashtirish chora-tadbirlari to‘g‘risida” PQ-92-son qarori ijrosini ta’minlash hamda “Kamalak” bolalar tashkiloti faoliyatini qo‘llab-quvvatlash, o‘quvchi-yoshlarning ijtimoiy faolligini oshirish maqsadida O‘zbekiston Respublikasi Maktabgacha va maktab ta’limi vazirligi, Yoshlar ishlari agentligi hamda O‘zbekiston yoshlar ittifoqi Markaziy Kengashi **qaror qiladi:**

1. Umumiy o‘rta ta’lim maktablarida direktorning ma’naviy-ma’rifiy ishlar bo‘yicha o‘rinbosari (keyingi o‘rinlarda – direktor o‘rinbosari) yoshlar masalalarida idoralararo hamkorlik va mahallalardagi yoshlar yetakchilari faoliyatiga ko‘maklashadi.

2. Shunday tartib o‘rnatilsinki, unga muvofiq:

umumiy o‘rta ta’lim maktablarida tarbiyaviy ishlarni samarali tashkil etgan respublika bo‘yicha 200 nafargacha direktor o‘rinbosari har chorakda (bazaviy hisoblash miqdorining 10 baravarigacha) Yoshlar ishlari agentligining Yoshlarga oid davlat siyosatini qo‘llab-quvvatlash jamg‘armasi mablag‘lari hisobidan rag‘batlantirib boriladi;

direktor o‘rinbosari umumiy o‘rta ta’lim maktablari direktori hamda tuman (shahar) yoshlar ishlari bo‘limi boshlig‘i lavozimlariga tavsiya etiladi.

3. **Quyidagilar:**

direktor o‘rinbosari faoliyatini muvofiqlashtirish bo‘yicha hududiy ishchi guruhning namunaviy tarkibi **1-ilovaga** muvofiq;

umumiy o‘rta ta’lim maktablarida o‘quvchilar o‘rtasida tashkil etiladigan tadbirlar rejasi **2-ilovaga** muvofiq tasdiqlansin.

4. Umumiy o'rta ta'lim maktablari direktori o'rinbosari lavozimiga qo'shimcha vazifalar sifatida quyidagilar kiritilsin:

Ta'lim muassasalari yoshlarining ma'naviyatini yuksaltirish va bo'sh vaqtini mazmunli tashkil etish bo'yicha Prezidentning besh muhim tashabbusi doirasida tanlov va tadbirlarni tashkil etish, to'graklar faoliyatini muvofiqlashtirish;

4-11-sinf o'quvchilari o'rtasida "Kamalak" va "Yoshlar ittifoqi" sardorlari faoliyati haqida targ'ibot ishlarini olib borish;

o'quvchilar orasidan faol, tashabbuskor, liderlik qobiliyatiga ega bo'lgan bolalarni sardorlikka tayyorlash maqsadida yilning sentyabr oyi ikkinchi o'n kunligida 4-7-sinflarda har bir sinfdan 1 nafardan sinf "Kamalak" sardori", 8-11-sinflarda 1 nafardan sinf "Yoshlar ittifoqi" sardori" saylovini tashkil etish;

uchinchi o'n kunligida 4-11-sinf o'quvchilaridan, tarkibi 14 kishidan iborat "Maktab sardorlari kengashi" saylovini tashkil etish;

o'quv yili davomida sardorlar faoliyatini qo'llab-quvvatlash;

mahalla yoshlar yetakchisi bilan hamkorlikda maktablarda "Yoshlar daftari"da yaratilgan imkoniyatlar to'g'risidagi targ'ibot ishlarini tashkil etish;

ushbu qarorning 2-ilovasida belgilangan tadbirlarning maktab bosqichini tashkil etish va g'olib bo'lgan o'quvchilarning tuman (shahar) bosqichida ishtirokini ta'minlash.

5. Belgilab qo'yilsinki:

O'zbekiston Respublikasi Maktabgacha va maktab ta'limi vazirligi maktab direktori o'rinbosariga yuklatilgan qo'shimcha vazifalarning amalga oshirilishini nazorat qiladi;

mazkur qarorning 2-ilovasida belgilangan tadbirlarning maktablarda sifatli o'tkazilishi uchun Tuman (shahar) yoshlar ishlari bo'limlari boshliqlari shaxsan javobgar hisoblanadi.

6. Hududiy ishchi guruhga:

direktor o'rinbosari faoliyati samaradorligini oshirish va takomillashtirish bo'yicha uslubiy hamda amaliy ko'mak berib borish;

tashabbuskor, islohotlarni amalga oshirishda haqiqiy jonbozlik ko'rsatgan har tomonlama munosib direktor o'rinbosarini davlat mukofotlariga tavsiya etish vazifalari yuklatilsin.

7. Qoraqalpog'iston Respublikasi Maktabgacha va maktab ta'limi vazirligi, Toshkent shahar va viloyatlar maktabgacha va maktab ta'limi boshqarmalari, Yoshlar ishlari agentligi, Qoraqalpog'iston Respublikasi, viloyatlar va Toshkent shahar yoshlar ishlari boshqarmalari hamda O'zbekiston yoshlar ittifoqining hududiy Kengashlari birgalikda:

direktor o'rinbosari faoliyatini muvofiqlashtirish bo'yicha hududiy ishchi guruhlar faoliyatini yo'lga qo'ysin hamda uning samarali faoliyat olib borishini ta'minlasin;

2023-2024-o'quv yilida har bir tuman (shahar) miqyosida 1 ta maktabda direktor o'rinbosari faoliyatini namunali yo'lga qo'ysin va ularning tajribasini boshqa umumiy o'rta ta'lim muassasalarida ommalashtirsin;

umumiy o'rta ta'lim maktablarida tarbiyaviy ishlarni samarali tashkil etgan direktor o'rinbosarlarini har chorakda rag'batlantirish choralari ko'rsin;

direktor o'rinbosarini sohaga doir so'nggi islohotlardan tezkorlik bilan xabardor qilsin hamda qo'shimcha materiallar (video, audio, bosma va elektron shakllarda) bilan ta'minlab borsin.

8. Yoshlar ishlari agentligi direktor o'rinbosarlarini rag'batlantirish bilan bog'liq mablag'larni Qoraqalpog'iston Respublikasi, viloyatlar va Toshkent shahar yoshlar ishlari boshqarmalarining asoslantirilgan so'roviga muvofiq, hududiy Yoshlarga oid davlat siyosatini qo'llab-quvvatlash jamg'armalariga o'tkazib borsin.

9. Mazkur qaror ijrosini nazorat qilish Maktabgacha va maktab ta'limi vaziri o'rinbosari D.Kenjayev, Yoshlar ishlari agentligi direktori o'rinbosari D.Kattaxanova, O'zbekiston yoshlar ittifoqi Markaziy Kengashi raisi o'rinbosari M.Baratova zimmalariga yuklansin.

O'zbekiston Respublikasi
Maktabgacha va maktab ta'limi
vaziri o'rinbosari



D.Kenjayev

Toshkent sh.,
2023-yil "3" - may,
15-8/8 -son

O'zbekiston Respublikasi
Yoshlar siyosati va sport vazirligi
huzuridagi Yoshlar ishlari
agentligi direktori



A.Sa'dullayev

Toshkent sh.,
2023-yil "3" - may,
01-02/06 -son

O'zbekiston yoshlar ittifoqi
Markaziy Kengashi raisi v.v.b.



T.Poyonov

Toshkent sh.,
2023-yil "3" - may,
4-00 -son

O‘zbekiston Respublikasi Maktabgacha
va maktab ta’limi vazirligi, Yoshlar ishlari
agentligi, O‘zbekiston Yoshlar ittifoqi markaziy
kengashining 2023-yil 3 - may dagi
15-8/4 / 01-07/06 / 4-2/9 -sonli qo‘shma qaroriga
1-ILOVA

**Umumiy o‘rta ta’lim maktablarida direktorning
ma’naviy-ma’rifiy ishlar bo‘yicha o‘rinbosari faoliyatini muvofiqlashtirish
bo‘yicha hududiy ishchi guruhning
NAMUNAVIY TARKIBI**

- (lavozimga ko‘ra) - Qoraqalpog‘iston Respublikasi Maktabgacha va maktab ta’limi vaziri, Toshkent shahar va viloyatlar maktabgacha va maktab ta’limi boshqarmalari boshliqlari, *Ishchi guruh rahbari*
- (lavozimga ko‘ra) - Qoraqalpog‘iston Respublikasi, viloyatlar va Toshkent shahar yoshlar ishlari boshqarmalari boshliqlari, *Ishchi guruh rahbari o‘rinbosari*
- (lavozimga ko‘ra) - O‘zbekiston yoshlar ittifoqining hududiy Kengashlari raislari, *a‘zo*
- (lavozimga ko‘ra) - Qoraqalpog‘iston Respublikasi Maktabgacha va maktab ta’limi vazirligi, Toshkent shahar va viloyatlar maktabgacha va maktab ta’limi boshqarmalari boshliqlarining tarbiyaviy ishlar va ixtisoslashtirilgan ta’lim muassasalar faoliyatini muvofiqlashtirish bo‘yicha o‘rinbosarlari, *a‘zo*
- (lavozimga ko‘ra) - Qoraqalpog‘iston Respublikasi, viloyatlar va Toshkent shahar yoshlar ishlari boshqarmalari Ta’lim muassasalarida yoshlar bilan ishlash va volontyorlik faoliyatini rivojlantirish bo‘yicha bosh mutaxassislari
- (lavozimga ko‘ra) - Qoraqalpog‘iston Respublikasi, viloyatlar va Toshkent shahridagi “Barkamol avlod” bolalar maktabi direktorlari, *a‘zo*
- (lavozimga ko‘ra) Hududiy “Kamalak” bolalar tashkiloti bosh mutaxassisi, *a‘zo*
- (lavozimga ko‘ra) - Qoraqalpog‘iston Respublikasi Maktabgacha va maktab ta’limi vazirligi, Toshkent shahar va viloyatlar maktabgacha va maktab ta’limi boshqarmalari Ta’lim tashkilotlarida tarbiyaviy ishlarni muvofiqlashtirish sho‘basi mudirlari, *Ishchi guruh kotibi*

O'zbekiston Respublikasi Maktabgacha
va maktab ta'limi vazirligi, Yoshlar ishlari
agentligi, O'zbekiston Yoshlar ittifoqi markaziy
kengashining 2023-yil 3 - may dagi
15-K/4 / 01-07/06 / 4-Q/Q -sonli qo'shma qaroriga
2-ILOVA

Umumiy o'rta ta'lim maktablarida o'quvchilar o'rtasida tashkil etiladigan TADBIRLAR REJASI

t/r	Tadbir nomi	Amalga oshirish muddati
1.	Umumiy o'rta ta'lim muassasalarida sinf, maktab “Sardorlar Kengashi a'zolari saylovi” ni tashkil etish.	Sentabr oyining ikkinchi o'n kunligi
2.	Sinflarda “Kamalak” partalarini tashkil etish.	O'quv yili davomida
3.	O'quvchilar o'rtasida “Zakovat” intellektual o'yinini o'tkazish.	Sentabr
4.	Umumta'lim maktablarida “Zakovat” to'garaklarini tashkil etish.	O'quv yili davomida
5.	Umumta'lim maktablari o'quvchilari o'rtasida “Besh tashabbus olimpiadasi” ni o'tkazish.	Sentabr
6.	“Kamalak” bilimdonlari” tanlovlarining maktab bosqichini tashkil etish.	Yanvar
7.	Umumta'lim maktab o'quvchilari o'rtasida “Yoshlar stipendiyasi” tanlovini targ'ib qilish va o'tkazish.	O'quv yili davomida
8.	Iqtidorli o'quvchilar (jumladan ijtimoiy himoyaga muhtoj)ni kasb-hunarga yo'naltirish, ularni jamoada ishlashga o'rgatishga qaratilgan “A'lo ta'til” loyihasini targ'ib qilish.	O'quv yili davomida
9.	Umumiy o'rta ta'lim muassasalarida tashkil etiladigan kunduzgi sog'lomlashtirish oromgohlarida “Yozni “Kamalak” bilan!” loyihasini amalga oshirish.	Iyun-iyul

Izoh: Ushbu tadbirlardan tashqari umumiy o'rta ta'lim maktablarida Maktabgacha va maktab ta'limi vazirligi tomonidan tasdiqlangan reja asosida turli tadbirlar (ko'rik-tanlov, musobaqa, festivallar, ko'rgazmalar) ham tashkil etiladi.

Shuningdek, tadbirlar rejasida belgilangan tadbirlar va ularning muddatlariga Hududiy ishchi guruhlar tomonidan qo'shimcha va o'zgartirishlar kiritilishi mumkin.